



GIG
CYMRU
NHS
WALES

Addysg a Gwellu Iechyd
Cymru (AaGIC)
Health Education and
Improvement Wales (HEIW)

Cydnabod Hyfforddwyr: Hyfforddi ar gyfer Rhagoriaeth

Bwletin 2: 15 Chwefror 2021

Mae bwletin yr wythnos hon yn darparu gwybodaeth am y Cytundeb Hyfforddwr Meddygol (Gofal Eilaidd ac Addysg Israddedig), gan gynnwys y buddion mae'n eu creu a sut mae cofrestru er mwyn bod yn hyfforddwr cydnabyddedig.

Y Cytundeb Hyfforddwr Meddygol (Gofal Eilaidd ac Addysg Israddedig)

Cafodd y Cytundeb Hyfforddwr Meddygol (Gofal Eilaidd ac Addysg Israddedig) ei gyflwyno ar draws GIG Cymru ym mis Tachwedd 2018. Mae'r Cytundeb rhwng hyfforddwr cydnabyddedig, Darparwr Addysg Lleol, a Threfnydd Addysg (AaGIC a/neu Ysgol Feddygol Prifysgol Caerdydd neu Abertawe yw'r Trefnwyr Addysg yng Nghymru), a dyma'r mecanwaith y mae'r Trefnwyr Addysg yng Nghymru yn ei ddefnyddio i nodi ac argymhell unigolion ar gyfer cydnabyddiaeth ffurfiol fel hyfforddwyr gan y Cyngor Meddygol Cyffredinol.

Mae'r Cytundeb yn diffinio'n glir beth yw rolau a chyfrifoldebau pob parti a drwy ymrwymo iddo, mae Darparwyr Addysg Lleol, Trefnwyr Addysg a hyfforddwyr unigol yn dangos eu hymroddiad i rôl yr hyfforddwr, gan gynnwys datblygu a darparu addysg a hyfforddiant o ansawdd uchel, a darparu amgylchedd dysgu addas a chefnogol. Yn y pen draw, bydd hyn yn cyfrannu at ofal o ansawdd uwch i gleifion, gan arwain at well diogelwch i gleifion.

Mae modd gweld copi o'r Cytundeb, gan gynnwys y gofynion penodol a nodir ynddo, ar wefan AaGIC yn https://quality.walesdeanery.org/sites/default/files/all-wales_medical_trainer_agreement.pdf

Rhaid i'r holl unigolion sy'n cyflawni un neu fwy o'r pedair rôl hyfforddwr sydd angen cydnabyddiaeth gan y Cyngor Meddygol Cyffredinol mewn meddygaeth israddedig a / neu hyfforddiant meddygol ôl-raddedig Sylfaen, Craidd neu Uwch (gan gynnwys hyfforddiant llai nag amser llawn) ymrwymo i'r Cytundeb.

I'ch atgoffa, dyma'r pedair rôl sydd angen cydnabyddiaeth gan y Cyngor Meddygol Cyffredinol:

HYFFORDDIANT ÔL-RADEDDIG:

- ♦ Goruchwylwyr Addysgol dynodedig
- ♦ Goruchwylwyr Clinigol dynodedig

ADDYSG ISRADEDDIG:

- ♦ y rhai sy'n gyfrifol am oruchwylio cynnydd myfyrwyr ym mhob ysgol feddygol
- ♦ cydlynwyr arweiniol ym mhob Darparwr Addysg Lleol


Rhaid i feddygon teulu sy'n gweithredu fel hyfforddwyr yng nghyd-destun hyfforddiant mewn amgylcheddau gofal eilaidd neu ar gyfer myfyrwyr meddygol israddedig (ac nad ydynt eisoes yn destun proses statudol ar wahân y Cyngor Meddygol Cyffredinol ar gyfer cymeradwyo meddygon teulu sy'n hyfforddi) lofnodi'r Cytundeb hefyd.

Prif Fuddion y Cytundeb

Mae ymgorffori pob un o'r pedair rôl mewn un Cytundeb yn darparu dull gweithredu syml a chyson ar gyfer datblygu, darparu, rheoli a chefnogi rolau hyfforddwy mewn gofal eilaidd a hyfforddwy israddedig yng Nghymru, ac yn galluogi unigolion i symud yn rhydd rhwng y rolau hyfforddi.

Mae cyflwyno'r Cytundeb Hyfforddwr Meddygol ar draws GIG Cymru yn creu llawer o fuddion eraill hefyd, gan gynnwys:

- ♦ proffesiynoli'r rolau hyfforddi a darparu cydnabyddiaeth ffurfiol fel hyfforddwr
- ♦ ffurfioli ymrwymiad hyfforddwr i'r rôl hyfforddi ac i addysg a hyfforddiant o ansawdd uchel mewn amgylchedd hyfforddi cefnogol
- ♦ gwella'r cyfathrebu a'r atebolrwydd rhwng yr holl bartïon sy'n rhan o ddarparu addysg a hyfforddiant
- ♦ cefnogi'r gwaith o ystyried rolau hyfforddi yn y broses cynllunio swydd i'w gwneud hi'n bosib neilltuo amser wedi'i ddiogelu ac adnoddau er mwyn cyflawni rôl(au) hyfforddi
- ♦ cefnogi'r gwaith o ystyried rolau hyfforddi fel rhan o werthusiad ymarfer cyfan y GIG / Adolygiad Datblygu Perfformiad i gefnogi datblygiad unigolion fel hyfforddwr
- ♦ galluogi mynediad at yr hyfforddiant a'r datblygiad proffesiynol priodol ar gyfer y rôl
- ♦ galluogi mynediad i Eduroam (mewn Byrddau Iechyd / Ymddiriedolaethau lle mae Eduroam wedi'i gyflwyno)
- ♦ meithrin cymuned ymarfer gefnogol gyda diddordeb cyffredin mewn hyfforddi rhagoriaeth
- ♦ codi proffil addysg a hyfforddiant meddygol yng Nghymru, gan felly gynyddu ei atyniad fel cyrchfan i raddedigion a gwella'r lefelau recriwtio a chadw
- ♦ galluogi AaGIC ac Ysgolion Meddygol Prifysgolion Caerdydd ac Abertawe i ddangos i'r Cyngor Meddygol Cyffredinol eu bod yn cyflawni'r rhwymedigaethau statudol mewn cysylltiad â Chydnabod Hyfforddwy



Cydweithio i hybu rhagoriaeth ym maes addysg a hyfforddiant meddygol ar draws GIG Cymru drwy ddatblygu, darparu a chefnogi addysg a hyfforddiant o ansawdd uchel

Sut mae Llofnodi'r Cytundeb a Dod yn Hyfforddwr yng Nghymru

Cyn ymrwmo i fod yn hyfforddwr cydnabyddedig yng Nghymru, rhaid i unigolion wneud y canlynol:

- ♦ darllen y meini prawf cymhwysedd i weld a ydynt yn gymwys i gyflawni rôl hyfforddi benodol
- ♦ cael sgwrs â'u Cyfarwyddwr Clinigol/Arweinydd Arbenigedd i ganfod pa gyfleoedd o ran rolau hyfforddi sydd ar gael yn eu hardal a'u harbenigedd

Dim ond unigolion sy'n disgwyl bod yn hyfforddwyr gweithredol mewn amserlen resymol ac sy'n dymuno proffesiynoli eu hunain fel hyfforddwyr, a gweithio i fodloni'r gofynion yn y Cytundeb ddylai ymrwmo i'r Cytundeb.

Mae'r Cytundeb yn cael ei letya ar-lein drwy'r Porth Cytundeb Hyfforddwr (TAG)

I'W LOFNODI, RHAID I UNIGOLION DDILYN Y CAMAU HYN:

- ♦ gofyn am y ddolen we i'r system TAG ac am fanylion am sut mae llofnodi gan eu Harweinydd Arbenigedd / Cyfarwyddwr Rhaglen Hyfforddi, Canolfan Addysg leol neu Drefnydd Addysg (AaGIC neu Ysgol Feddygol Prifysgol Caerdydd neu Abertawe)
- ♦ creu cyfrif yn TAG
- ♦ rhoi eu manylion personol
- ♦ llofnodi'r e-Gytundeb yn ddigidol

Pan fydd hyfforddwyr wedi llofnodi'r Cytundeb, bydd y Trefnydd Addysg yn eu hargymhell ar gyfer cydnabyddiaeth ffurfiol gan y Cyngor Meddygol Cyffredinol a bydd eu statws 'hyfforddwr' yn cael ei adlewyrchu ar eu cofnod ar Restr y Cyngor Meddygol Cyffredinol o Ymarferwyr Meddygol Cofrestredig. I barhau i fod yn hyfforddwyr cydnabyddedig, rhaid i unigolion ddangos eu bod yn bodloni gofynion y Cytundeb yn barhaus a sicrhau bod eu manylion diweddaraf yn TAG.

I gael rhagor o wybodaeth am y broses cydnabod hyfforddwyr yng Nghymru, e-bostiwch Uned Ansawdd AaGIC yn HEIW.SRE@wales.nhs.uk

Rhifyn Nesaf (allan yr wythnos sy'n dechrau ar 1 Mawrth 2021):

Gofynion y rolau hyfforddi a chyfleoedd datblygu proffesiynol.